

Մաշտոցի Արձագանգ

Հայաստանեայց Եկեղեցույ Սուրբ Յակոբ Կիրակնորեայ Դպրոցի ամսաթերթ

Այս թիւով...

Խմբագրական՝

Ինչպէ՞ս ոգեկոչել Մեծ Եղեռնի
նահատակներուն անմահ յիշատակը:
Էջ 2

Ապրիլ ամսուան բացատրական
տօնացոյց: Կանաչ Կիրակի, Կարմիր
Կիրակի: Էջ 3-4

Նեղութիւններուն օգտակարութիւնը:
Էջ 5

Եկեղեցական բառարան: Էջ 6

Խօսքն Աստուծոյ: Էջ 7

Աստուածաշունչը մանուկներու համար.
Յիսուսի Յարութիւնը եւ Համբարձումը:
Էջ 8-9-10


Եզակի գիրեր: Էջ 11

Ո՞րն է ճիշդ պատասխանը: Էջ 12-13-
14-15

Ամսուան տօնացոյց, Նկարներ
Կիրակնորեայէն: Էջ 16

Ապրիլ 2008

ԺԵ տարի- թիւ 8



Իրարու բերը վերցուցէք եւ
այդպիսով կատարեցէք
Քրիստոսի սիրոյ օրէնքը:

Քաղատացւոց 5.13

Հաւատք

Կրօն

Եկեղեցի

Լեզու

Մշակույթ

Խմբագրական

Ինչպէ՞ս ոգեկոչել Մեծ Եղեռնի Գահատակներուն անմահ յիշատակը



Ապրիլ 24, 1915 - 2008

Ոգեկոչենք Մեծ Եղեռնի Գահատակներուն անմահ յիշատակը Գաե՛՛

- Ապրելով Հայադրոշմ կեանք մը,
- Վառ պահելով Հայաստանեայց եկեղեցույ տօներն ու ազգային ասանդութիւնները,
- Լսելով, մտիկ ընելով ու երգելով մեր Հայանուագ շարականներն ու երգերը,
- Ամուր կառչած մնալով մեր Հայավայել բարի բարքերուն ու սովորութիւններուն,
- Կարդալով ու կեանքի վերածելով մեր Հայագրեալ Աստուածաշունչը
- Եւ մանաւանդ՝ ՍԻՐԵԼՈՎ Հայը

Ամբողջ տարուան ընթացքին:

«Պիտի հանեմ ձեզ ձեր գերեզմաններէն . կենդանութեան շունչ պիտի տամ, իմ հոգիս պիտի տամ ձեզի, եւ ձեզի ձեր երկիրը պիտի վերադարձնեմ:» Եզեկիէլ 37.14

«Մաշտոցի Արձագանգ»
 Հայաստանեայց Եկեղեցույ Սուրբ Յակոբ Կիրակնօրեայ Դպրոցի ամսաթերթ:
 Խմբագիր՝ Շողիկ Թորիկեան-Պոլաճեան
 Հայաստանեայց Եկեղեցույ Սուրբ Յակոբ Կիրակնօրեայ Դպրոցի կամաւոր խմբակը
 Ոսուցիչներ՝ Վերժին Գիւպթանճեան, Թամար Գիգիրեան, Յասմիկ Նաճարեան, Գարոլ Մանուկեան, Շողիկ Նաճարեան, Աշխէն Իշխանեան, Յասմիկ Գանաճեան:
 Տնօրէն՝ Թորոս Պապիկեան

Ապրիլ ամսուան բացատրական տօնացոյց

Հայաստանեայց եկեղեցւոյ տօներէն անոնք որոնք սերտօրէն առնչուած են Սուրբ խաչին եւ եկեղեցիին հետ, կը կոչուին Տէրունի տօներ: Տէրունի տօներուն մէջէն Ս. խաչին վերաբերող բազմաթիւ տօներ կան, ինչպէս Խաչվերացը, Գիւտ խաչը, Վարագայ Աբ. խաչը եւ Խաչի երեսումը: Այս խաչի տօներէն իւրաքանչիւրը առիթ է հաւատացեալներուն համար անդրադառնալու խաչի սրբազան իմաստին ու հաղորդուելու անոր հետ իբր զոհաբերութեան եւ Յիսուսի կեանքին խորհրդանիշ:

Այս տարի, Ապրիլ ամսուան 20-րդ օրը, հայաստանեայց եկեղեցին կը յիշատակէ Ս. խաչի երեսման դրուագը, տեղի ունեցած 351 թուին, այն տարիներուն երբ Կիւրեղ Եպիսկոպոս Երուսաղէմի պատրիարք էր: Այդ տարի, Հոգեգալստեան առտուն ժամը 3-ին, ահաւոր մեծութեամբ լուսաւոր խաչ մը երեցաւ երկինքին վրայ, մէկ ծայրը Գողգոթայի եւ միւս ծայրը Զիթենեաց լեռան վրայ եւ շատ ժամեր տեսելով՝ տեսնուեցաւ Երուսաղէմի բոլոր բնակիչներէն որոնք զոջումով եւ բարեպաշտութեամբ սկսան եկեղեցիներ վազել, հոն փառք ու գոհունակութիւն յայտնելու համար Աստուծոյ: Այս հրաշալի երեւոյթը անմոռանալի եւ աննախընթաց դէպք մը ըլլալուն համար, այդ թուականէն ի վեր կը մնայ յիշատակութեան արժանի տօն: Հայ եկեղեցին զայն կը տօնէ Զատկուան յաջորդող 4րդ Կիրակին ու Զատիկին կապուած ըլլալուն ունի 35 օրերու շարժականութիւն:

Ինչպէս Երուսաղէմի ժողովուրդը 351 թուականին խաչի հրաշալի տեսիլին առջեւ ուղղուեցաւ եկեղեցի փառաբանութեան եւ պաշտամունքի, նոյնպէս ալ մինչեւ այսօր, սովորութիւն կը մնայ այս տօնին առթիւ եկեղեցի երթալ եւ փառք տալ Աստուծոյ:



Հայաստանեայց եկեղեցին հարցումներով, պատասխաններով

Հաւատացեալները եկեղեցական ողջոյնը ի՞նչ ձեւով իրարու կը փոխանցեն:

Ողջոյնը եկեղեցականէն կ'առնուի աջահամբոյրով իսկ հաւատացեալներ իրարու կը փոխանցեն հետեւեալ ձեւով.-

Ողջոյն փոխանցողը կը խոնարհի իր դիմացինին ձախ ապա աջ ուսին, այնպէս ինչպէս պիտի ողջագուրուէր եւ ցած ձայնով կ'ըսէ.- «Քրիստոս ի մէջ մեր յայտնեցաւ», իսկ ողջոյն ստացողը կը պատասխանէ .- «Օրհնեալ է յայտնութիւնը Քրիստոսի»: Եւ այսպէս յաջորդաբար մէկը միւսին:

Զատկուան Կիրակիներու շարքը:

- Սբ. Զատիկ
- Նոր Կիրակի կամ Կրկնազատիկ
- Աշխարհամատրան Կանաչ Կիրակի
- Կարմիր Կիրակի
- Երեսումն Սբ. Խաչի

Աշխարհամատրան կամ Կանաչ Կիրակի



Կանաչ Կիրակի անունը կը տրուի Զատիկուայ Երրորդ Կիրակիին, որ Զատիկէն 15 օր ետք կը հանդիպի եւ Զատիկին հետ 35 օրուան շարժականութիւն ունի:

Աշխարհամատուոն բառը կը գործածուի իբր աշխարհաժողով, բազմութեան յատկացեալ եկեղեցի, եւ այս անունը տրուած է Սիոնի Վերնատան ուր Քրիստոս վերջին զատկական ընթրիքը կատարեց եւ Ս. Հաղորդութեան խորհուրդը հաստատեց, եւ ուր սովորութիւն ըրին առաքեալները հաւաքուիլ Քրիստոսի համբարձումէն ետքը: Այս տեղը հաւանաբար Յովհաննէս Մարկոսի տունն էր՝ ուր աղօթքի կը ժողվուէին նոր հաւատացեալները: Հայոց եկեղեցոյն յատուկ է եկեղեցոյ անուամբ տօներ կատարել. ասոնց գլխաւորն է Աշխարհամատրանը՝ այսինքն Վերնատան քրիստոնէութեան առաջին եկեղեցին ըլլալուն յիշատակը, որ բոլոր քրիստոնէայ եկեղեցիներուն նախատիպն եղաւ եւ եկեղեցոյ նուիրականութեան նշանակը: Աշխարհամատրան օրը Կանաչ Կիրակի ալ կը կոչուի:

Կարմիր Կիրակի

Այսպէս կը կոչուի յինանց չորրորդ Կիրակին, որ Զատիկէն 22 օր ետքը կու գայ եւ Զատիկին պէս 35 օր շարժականութիւն ունի: Այս անունը բնաւ եկեղեցական ծագում կամ նշանակութիւն չունի, այլ Կանաչ Կիրակի անունին նման զարնանային եղանակէն առնուած ժողովրդական կոչում մըն է, որովհետեւ դաշտերը կանաչնալէն ետքը նախ եւ առաջ կարմիր կակաչներով կը զարդարուին:

Նեղութիւններուն օգտակարութիւնը

Մեզի համար լաւ է երբեմն կրել նեղութիւններ եւ հակառակութիւններ, որովհետեւ անոնք կը տանին մարդը դէպի իր ներաշխարհը, կը զգացնեն իրեն, թէ պանդուխտ է եւ պէտք չէ իր յոյսը կապէ աշխարհի իրականութիւններուն:

Երբեմն մեզի համար լաւ է կրել հակառակութիւններ եւ կամ մեր մասին խօսին յոռի կամ քիչ նպաստաւոր կերպով, ինչքան ալ բարին ըլլան մեր գործերը եւ դիտաւորութիւնները: Ասոնք կը մարզեն մեզ ըլլալ աւելի խոնարհ եւ զերծ կը պահեն մեզ սնափառութենէ:

Որովհետեւ աւելի եռանդ ունինք ապաւինելու Աստուծոյ մեր սրտին մէջ եւ դուրսը մարդիկ կը խոնարհեցնեն մեզ եւ աննպաստ կը խորհին մեր մասին:

Ասոր համար մարդ պարտական է այնքա՛ն ապաւինիլ Աստուծոյ, որ այլեւս չունենայ կարիք փնտոռելու մարդկային մխիթարութիւններ:

Երբ բարեացակամ մարդը կը խոովի, կը փորձուի, կը տառապի յոռի մտածումներէն, այն ատեն կ'իմանայ, թէ Աստուած որքան անհրաժեշտ է իրեն, եթէ առանց Աստուծոյ անկարող է բարի գործի:

Այն ատեն տաղտկալի կը թուի իրեն կեանքն երկար, կը ցանկայ որ մահը հասնի որպէսզի մարմինէն ազատ, կարենայ միանալ Քրիստոսի:

Այն ատեն լաւ կը հասկնայ թէ կատարեալ ապահովութիւնը, լիութիւնը խաղաղութան, այս աշխարհէն չեն:



անհրաժեշտ է իրեն, եթէ առանց Աստուծոյ

Հատուած՝ «Նմանութիւն Յիսուս Քրիստոսի» գիրքէն, Թովմաս Գեմբաքի, Պէլյուս 1997

Եկեղեցական բառարան

Յ Ե

Յայսմաուրք

Յայսմաուրքը մեծածառ գիրք մըն է որ կը պարունակէ սուրբերու վկայութիւնները եւ անոնց վարքերը: Յայսմաուրքէն հատուածներ կը կարդացուին երեկոյեան ժամերգութիւնները սկսելէ առաջ:

Յայսմաուրքի մէջէն կատարուող օրական ընթերցանութիւնները կը սկսին «Յայսմ աւուր յիշատակ է» նախադասութեամբ, որ կը նշանակէ «այսօր յիշատակն է»: Այս սկիզբի նախադասութեան կը վերագրուի ամբողջ հատորին կոչումը:

Ն Ը

Նշխար

Մասն ու նշխարը եկեղեցու սպասաւորներու կողմէ կը պատրաստուին սպիտակ, մաքուր եւ անխմոր ալիւրով: Նշխարը կ'ըլլայ կլոր ու տափակ որ կը կրէ Յարուցեալ Քրիստոսի պատկերը մինչ մասը բարակ ու կլորակ է երկաթի վրայ եփուած: Տնօրհնէքի եւ այլ առիթներու տրուած նշխարները քահանայէն օրհնուած են:

Համաձայն հին բարեպաշտական սովորութեանց, հաւատացեալները նշխար մը կը կրէին իրենց վրայ ապահով ճամբորդութեան համար, հիւանդութեան պարագային եւ մանաւանդ պահպանուելու համար սատանայական որոգայթներէ:

Շ 2

Շուրջառ

Շուրջառը առանց թելերու, կիսաշրջանակաձեւ փայլուն զգեստ մըն է որ կը գետեղուի քահանաներու ուսերուն եւ ճարմանդ կոշուղ Մետաղեայ կապով մը կ'ամրացուի անոնց կուրծքին վրայ:

Շուրջառը քահանային գլխաւոր հանդերձն է: Ան կը ծածկէ քահանային ամբողջ մարմինը, տարածուելով մինչեւ գետին, խորհրդանշելու համար քահանային վրայ երկինքէն իջած պարուրող Աստուածային շնորհն ու զօրութիւնը որ կը պահպանէ զայն ու կ'աջակցի անոր պատարագ մատուցանելու կամ այլ խորհուրդներ կատարելու ընթացքին:

Խօսքն Աստուծոյ Պօղոս Առաքեալի Կողմէ Կողոսացիներուն գրուած Գամակէն

2.16-3.17

Կարեւորութիւն մի՛ տաք անոնց որոնք ձեզ կը քննադատեն թէ ինչո՛ւ չէք պահեր ուտելու եւ խմելու, տօնակատարութեանց կանոնները. որովհետեւ այդ բոլորը գալիք իրականութեանց շուքն էին, իսկ իրականութիւնը Քրիստոսի մէջ է:

Չըլլայ որ ռեւէ մէկը իր խստակրօնութեամբ, հրեշտակներուն տուած կարեւորութեամբ եւ զանազան բաներու տեսիլքներով ձեզ մոլորեցնէ եւ մրցանակէն զրկէ. որովհետեւ այդպիսիները մարդկային հպարտութենէ տարուած են եւ կ'ուզեն իրենք զիրենք պարտադրել ձեզի: Անոնք կապ չունին Գլուխին՝ Քրիստոսի հետ. մինչդեռ մարմինը՝ Քրիստոսի եկեղեցին, իր բոլոր յօդերով ու կապերով Գլուխին կապուած ու միացած, անկէ կ'առնէ իր աճումը, Աստուծոյ կամքին համաձայն:

Քանի Քրիստոսի հետ մեռաք եւ բնութեան ոյժերու տիրապետութենէն դուրս եկաք, ինչո՞ւ կը շարունակէք ապրիլ այնպէս՝ որպէս թէ ձեր կեանքը աշխարհէն կախում ունենար, եւ կը հնազանդիք մարդոց կողմէ տրուած եւ ուսուցուած պատուիրաններու, ինչպէս. «Մի՛ մօտենար, մի՛ ուտեր, մի՛ դպչիր», եւայլն: Ասոնք բոլորն ալ բաներ են՝ որոնք գործածութեամբ կը փճանան: Այդպէս պատուիրողները իմաստուն կրնան թուիլ՝ իրենց բարեպաշտական ինքնակամ արտայայտութիւններով, խստակրօնութեամբ եւ մարմինը անխնայ կերպով ճնշելով, բայց այս բաները ռեւէ արժէք չունին եւ միայն մարմինը բաւարարելու կը ծառայեն:

Քանի որ յարութիւն առիք Քրիստոսի հետ, այսուհետեւ ձեր ուշադրութիւնը երկինք դարձուցէք, որովհետեւ հոն է Քրիստոս, Հօր աջ կողմը նստած: Երկնաւոր բաներու մասին խորհեցէք եւ ոչ երկրաւոր բաներու. որովհետեւ դուք այս աշխարհին համար մեռաք, որպէսզի Քրիստոսի հետ միասին ապրիք այն կեանքով որ Աստուած վերապահած է ձեզի: Իսկ երբ Քրիստոս՝ մեր կեանքը՝ յայտնուի, այն ատեն դուք ալ փառքով պիտի յայտնուիք անոր հետ:

Աստուածաշունչը մանուկներու համար

Յիսուսի Յարութիւնը եւ Համբարձումը

Յիսուս շղթայակապ տարին եւ յանձնեցին Պիղատոսին: Ինչպէս սովորութիւն էր, ամէն Զատիկուայ տօնին, Պիղատոս բանտէն բանտարկեալ մը ազատ կ'արձակէր:

Այդ ժամանակ բանտը Բարաբբա անունով մէկը կար, որ մարդ սպաննած էր:

Պիղատոս հարցուց ժողովուրդին «Ո՞վ կ'ուզէք ազատ արձակել, Յիսուսը թէ Բարաբբան»:

Պիղատոս գիտէր որ Յիսուս անմեղ է բայց քահանաները գրգռեցին ժողովուրդը, որպէսզի պահանջեն Բարաբբայի արձակումը: Այդպէս ալ եղաւ:

Յիսուսը խաչեցին Գողգոթայի լեռան վրայ, ու խաչին վրայ արձանագրեցին «Հրեաներու թագաւորն է»:

Յիսուսի հետ նաեւ խաչեցին երկու աւազակներ: Անոնցմէ մէկը ըսաւ Յիսուսին՝ «Եթէ դուն Քրիստոսն ես, ինքզինքդ ազատէ եւ մեզ ազատէ»:

Իսկ միւսը ըսաւ «Տէ՛ր, յիշէ զիս,



երբ քու թագաւորութեամբդ
գաս:»

Յիսուս անոր պատասխանեց
«Վստահ եղիր, այսօր իսկ ինձի
հետ դրախտի մէջ պիտի ըլլաս»:

Այդ պահուն երկինքը
խաւարեցաւ, զօրաւոր երկրաշարժ
մը եղաւ եւ տաճարին վարագոյրը
պատռեցաւ ու երկու մասի
բաժնուեցաւ: Յիսուսի դիմաց
կանգնած զինուորը ըսաւ՝
«Իսկապէս այս մարդը Աստուծոյ
Որդին էր»:

Յովսէփ անունով մարդ մը որ
Արիմաթիա քաղաքէն եկած էր,
Պիղատոսէն հրաման առաւ, եւ
Յիսուսի մարմինը պարտէզի
ժայռափոր գերեզմանի մը մէջ
դրաւ: Դրան առջեւ զինուորներ
կեցան:

Կիրակի առտու Մարիամ
Մագդաղենացին գերեզման եկաւ
եւ տեսաւ որ քարը վերցուած է,
ան վազեց աշակերտներուն մօտ
եւ լուր տուաւ:

Երբ Պետրոս մտաւ գերեզման,
տեսաւ որ կտաւները որով Յիսուս
փաթթած էին, այնտեղ են:
Մարիամ կուլար երբ տեսաւ երկու
հրեշտակներ որոնք իրեն



հարցուցին «ինչո՞ւ կուլաս», ան պատասխանեց՝ «Տէրս վերցուցեր են գերեզմանէն եւ չեմ գիտեր ուր տարեր են զինք»։ Այն ատեն տեսաւ իր կողքին կանգնած Յիսուսը, բայց կարծեց որ պարտիզպանն է. անոր ըսաւ «Եթէ դուք վերցուցիք զինք ըսէք թէ ուր տարիք»։ Յիսուս ըսաւ «Մարիամ, մի դպչիր ինձի որովհետեւ դեռ Հօրս մօտ՝ երկինք չեմ բարձրացած»։

Այս պատահարէն քիչ ժամանակ ետք Յիսուս երեւցաւ իր աշակերտներուն, բոլորը հաւատացին բացի Թովմասէն որ ուզեց ձեռքերը տեսնել եւ մատները գամերուն տեղերը դնել։ Ութ օր ետք Յիսուս նորէն երեւցաւ եւ Թովմասին ըսաւ՝ «Բեր մատներդ եւ դիր ափերուս վերքերուն վրայ, անհաւատ մի ըլլար այլ հաւատացեալ։ Դուն զիս տեսար ու հաւատացիր, երանի անոնց որոնք առանց տեսնելու կը հաւատան ինձի»։ Անկէ ետք Յիսուս ըսաւ աշակերտներուն «գացէք աշխարհի բոլոր կողմերը եւ վկայեցէք ու քարոզեցէք բոլորին» եւ երկինք համբարձաւ։ Ան բազմեցաւ Աստուծոյ աջ կողմը։ Իսկ աշակերտները ուրախ վերադարձան Երուսաղէմ եւ փառաւորեցին Տէրը։



Եզակի գիրեր
Հայերէն գիրերով Sudoku

բ	գ	է	ե	ը	զ	ա	թ	դ
դ	ա	զ	բ	գ	թ	է	ը	ե
թ	ե	ը	է	ա	դ	զ	գ	բ
ե	ը	թ	զ	բ	գ	դ	ա	է
զ	է	գ	թ	դ	ա	ե	բ	ը
ա	դ	բ	ը	է	ե	զ	գ	թ
գ	բ	ե	դ	զ	ը	թ	է	ա
ը	թ	ա	զ	ե	է	բ	դ	զ
է	զ	դ	ա	թ	բ	ը	ե	գ

գ		բ	է		թ	ը		
դ	ը			գ		թ		
է		թ						
				թ	զ	ա	ը	
			բ		դ		թ	
						զ	ե	
	թ	ա						զ
ե	դ					է		
						ե	դ	ը

Նախորդ «Եզակի գիրեր» ուն լուծումը

Ամբողջացուր քառակուսիները գործածելով ա, բ, գ, դ, ե, զ, է, ը, թ գիրերը պայմանաւ որ միայն մէկ անգամ գործածես իւրաքանչիւր գիր իւրաքանչիւր՝

- հորիզոնական գիծի վրայ,
- ուղղահայեաց գիծի վրայ եւ
- ինեակ քառակուսիի մէջ

Ո՞րն է ճիշդ պատասխանը

Մարտ ամսուան պատասխանները

Մանկապարտէզի անկիւն
Զատիկի, Երուսաղէմ, Յիսուս,
արմատենիի, Ովսաննա՛, Տիրոջ, Սուրբ,
աւանակի

Նախակրթարան Ա. Բ. Գ. անկիւն

1. ա. Սբ. Գրիգոր Լուսաւորիչի խոր Վիրապ մուտքը
2. բ. Յիսուսի Երուսաղէմ մուտքը
3. ա. Սբ. Զատիկ
4. դ. Արմատենիի եւ ձիթենիի ճիւղերով
5. գ. համբուրելով
6. դ. Վերջին ընթրիքին, Ոտնլուայի եւ Խաւարումին
7. ա. արարչագործութեան
8. բ. Տասը կոյսերուն
9. գ. Յիսուսի մատնութեան
10. գ. Յովհաննէս

Նախակրթարան Դ. Ե. Զ. անկիւն

1. Յարութեան
2. ա. մատնութեան, բ. Վերջին ընթրիքին, Ոտնլուայի եւ Խաւարումին
3. ա. Խաչելութեան, բ. Թաղման

4. ա. արարչագործութեան, բ. Տասը կոյսերուն

5. ա. 5
6. մարմինս
7. արիւնս
8. դ. Թովմաս
9. ա. Պետրոս
10. գ. Ղուկաս

Երկրորդականի անկիւն

1. բ. Մատթէոս
2. գ. Երեք
3. բ. Մարտ 22 էն Ապրիլ 25
4. ա. Հինգ
5. Սբ. Ղուկաս Աւետարանիչ, Ղուկասի Աւետարանին
6. Սուրբ Զատիկ, Ալլակերպութիւն, Վերափոխումն Սբ. Աստուածածնի
7. Ա. եւ Բ. Տիմոթէոս, Տիտոս, փիլիմոն
8. Մենելոց
9. ա. Պետրոս
10. Մարկոս

Ո՞րն է ճիշդ պատասխանը Մանկապարտեզի անկիւն



Ամբողջացո՛ւր ըստ Ղուկաս 24: 50-53 ի

օրհնեց, երկինք, երկրպագեցին, Երուսաղէմ,
զԱստուած, Բեթանիա, բաժնուեցաւ

Յիսուսի համբարձումը այս տարի Մայիս ----- ին է:

Ապա տարաւ զանոնք մինչեւ ----- եւ ձեռքերը
վեր բարձրացնելով՝ ----- զանոնք: Եւ մինչ
կ'օրհնէր, ----- անոնցմէ, դէպի
----- բարձրանալով:

Անոնք ----- Յիսուսի եւ մեծ ուրախութեամբ
վերադարձան ----- : Ամէն օր տաճարին
մէջ էին՝ գովելով ու օրհնաբանելով ----- :

Ո՞րն է ճիշդ պատասխանը

Նախակրթարան Ա. Բ. եւ Գ. դասարաններու անկիւն

Անուն: _____

1.- Ի՞նչ կը կոչուի Կանաչ Կիրակիին յաջորդող Կիրակին:

- ա.- Կարմիր Կիրակի
- բ.- Դեղին Կիրակի
- գ.- Կապոյտ Կիրակի
- դ.- Կրկնազատիկ

2.- Ի՞նչ կը կոչուի Յիսուսի Յարութեան յաջորդող Կիրակին:

- ա.- Բ. Ծաղկազարդ
- բ.- Ծաղկազարդ
- գ.- Զատիկ
- դ.- Կրկնազատիկ

3.- Յիսուս իր յարութենէն քանի՞ օր ետք համբարձաւ:

- ա.- 3
- բ.- 48
- գ.- 30
- դ.- 40

4.- Յիսուսի Համբարձումը շաբթուան ո՞ր օրը տեղի ունեցաւ:

- ա.- Հինգշաբթի
- բ.- Երկուշաբթի
- գ.- Երեքշաբթի
- դ.- Չորեքշաբթի

5.- Հաղորդութիւն ստանալէ առաջ պայման է որ:

- ա.- Մոմ վառենք:
- բ.- Մեր մեղքերը խոստովանինք եւ ծոմ պահենք:
- գ.- Լաւ ճաշ կերած ըլլանք:
- դ.- Ցած ձայնով երգենք

6. Այս տարի Ապրիլ 20 ին ի՞նչ կը տօնենք:

- ա.- Խաչվերաց
- բ.- Երեւումն Սուրբ Խաչի
- գ.- Գիւտ Խաչի
- դ.- Վարագայ Խաչ:

7. Պատարագի ընթացքին երբ ո՞ր երգը երգուի իրարու ողջոյն կու տանք:

- ա.- Սուրբ Աստուած
- բ.- Մարմին Տէրունական
- գ.- Քրիստոս ի մէջ մեր
- դ.- Հաւատամք

8. Ողջոյն տուողը ի՞նչ կ'ըսէ:

Քրիստոս -----

9. Ողջոյն ստացողը ի՞նչ կ'ըսէ:

Օրհնեալ է -----

9. Վերի նկարին մէջ գծիկով մը նշէ Խաչին Բունը

10. Գրէ՛ Սուրբ Զատկուան յաջորդող կիրակիներուն շիտակ շարքը:

- ա.- Սուրբ Զատիկ
- բ.- Նոր -----
- գ.- Կ----- Կիրակի
- դ.- Կ----- Կիրակի
- ե.- Ե----- Սբ. Խաչի

Ո՞րն է ճիշդ պատասխանը

Նախակրթարան Դ. Ե. եւ Զ. դասարաններու անկիւն

Անուն: _____

1.- Յայտնաւորքը կ'ընդգրկէ «Աւուր» բառը: Աւուր ի՞նչ կը նշանակէ:

2.- Ի՞նչ կը կոչուի Յիսուսի Յարութեան յաջորդող Կիրակին:

----- կամ
--- -----

3.- Յիսուս իր յարութենէն քանի՞ օր ետք համբարձաւ:

4.- Յիսուսի Համբարձումը շաբթուան ո՞ր օրը տեղի ունեցաւ:

5.- Հաղորդութիւնը կը պատրաստուի

Ն-----ով եւ անապակի -----ով

6. Այս տարի Մեծ Եղեռնին քանի՞երորդ ամեակն է:

7. Ո՞վ օգնեց Յիսուսի խաչը մինչեւ Գողգոթա բարձրացնելու ընթացքին:

- ա.- Սիմոն Կիրենացի
- բ.- Յովսէփ Արիմաթեացի
- գ.- Բարաբաս
- դ.- Պօղոս

8. Ո՞վ նոր փորուած գերեզման մը տուաւ որպէսզի Յիսուսը անոր մէջ թաղուի:

- ա.- Սիմոն Կիրենացի
- բ.- Յովսէփ Արիմաթեացի
- գ.- Բարաբաս
- դ.- Պօղոս

9. Ո՞ր ոճրագործը ազատ արձակուեցաւ եւ Յիսուս դատապարտուեցաւ մահուան:

- ա.- Սիմոն Կիրենացի
- բ.- Յովսէփ Արիմաթեացի
- գ.- Բարաբաս
- դ.- Պօղոս

10. Ո՞վ «Հեթանոսաց Առաքեալ» կոչուեցաւ:

- ա.- Սիմոն Կիրենացի
- բ.- Յովսէփ Արիմաթեացի
- գ.- Բարաբաս
- դ.- Պօղոս

**Ո՞րն է ճիշդ պատասխանը
Երկրորդականի անկիւն**

Անուն: _____

1. Պօղոսի ո՞ր նամակը կը պարունակէ Սիրոյ գլուխը:

- ա.- Հռոմայեցիներուն 13
- բ.- Կորնթացիներուն Ա. 13
- գ.- Կորնթացիներուն Բ. 13
- դ.- Տիտոս 13

2. Հետեւեալէն ո՞ր մէկը անձի մը անունն է:

- ա.- Կորնթոս
- բ.- Թեսաղոնիկէ
- գ.- Փիլիպպէ
- դ.- Տիտոս

3. Հետեւեալ առաքեալներէն ո՞վ գրած է Նոր կտակարանի 27 գիրքերուն մեծ ամասնութիւնը:

- ա.- Պետրոս
- բ.- Պօղոս
- գ.- Յակոբոս
- դ.- Յովհաննէս

4. Հետեւեալներէն ո՞վ ընդհանրական նամակ չէ գրած:

- Ա) Պետրոս
- Բ) Պօղոս
- Գ) Յակոբոս
- Դ) Յովհաննէս

5. Ի՞նչ է ընդհանրական նամակներուն թիւը:

- ա.- 5
- բ.- 6
- գ.- 7
- դ.- 8

6. Հետեւեալներէն որո՞նք միայն մէկ

հատ ընդհանրական նամակ գրած են:

- ա.- Յակոբոս եւ Յուդա
- բ.- Պետրոս եւ Յովհաննէս
- գ.- Պետրոս եւ Յուդա
- դ.- Յակոբոս եւ Յովհաննէս

7. Պօղոսի 14 նամակներէն քանի՞ հատը ուղղուած է անձերու:

- ա.- 5
- բ.- 6
- գ.- 7
- դ.- 4

8. Նոր Կտակարանի վերջին գիրքը գրող առաքեալը քանի՞ ուրիշ գիրքեր գրած է նոր կտակարանի մնացեալ 26 գիրքերէն:

- ա.- 5
- բ.- 6
- գ.- 7
- դ.- 4

9. Ո՞ր գրուած է «հաւատքը առանձինն՝ առանց գործերու՝ մեռած է»:

- ա.- Յակոբոս 2.17
- բ.- Յուդա 2.17
- գ.- Ա. Պետրոս 2.17
- դ.- Բ. Պետրոս 2.17

10. Ո՞վ ըսաւ «Գալով ինձի, քա՛ն լիցի որ մեր Տիրոջ Յիսուս Քրիստոսի խաչէն զատ ուրիշ բանով պարծեմամ»:

- ա.- Պետրոս
- բ.- Պօղոս
- գ.- Յովհաննէս
- դ.- Յակոբոս

Ապրիլ Ամսուան Տօնացոյց

6: Կիրակի՝ Աշխարհամատրան Կանաչ Կիրակի

7: Երկուշաբթի՝ Աւետումն Սբ. Կոյսին

13: Կիրակի՝ Կարմիր Կիրակի

20: Կիրակի՝ Երեւումն Սբ. Խաչի

24: Հինգշաբթի՝ **93**-րդ Տարեդարձ Հայոց Ցեղասպանութեան



Նկարներ՝

Մեր Դպրոցի Զատիկուան օրուան խաղերէն



«ՄԱՇՏՈՑԻ ԱՐՁԱԳԱՆԳ»ի

ներկայ եւ նախկին թիւերը կը գտնուին նաեւ համացանցի

վրայ:

Այցելեցէ՛ք

www.sourphagop.org/mashdots